

Sindikata radnika u zdravstvu u Kantonu Sarajevo
Obala Kulina Bana 1

Broj: 20/17

Sarajevo, 05.01.2017. godine

ZAPISNIK

sa 10. Redovne sjednice Glavnog odbora Sindikata radnika u zdravstvu u Kantonu Sarajevo održane 05.01.2017. godine sa početkom u 14,00 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Avdić Emir, Balić Amir, Bijedić Lana, Feta Zarif, Bukvić Semra, Čaušević Amir, Delihasanović Kemo, Hrustemović Dženana, Istenić Nermin, Koudeimati M. Bassam, Kužatko Vedran, Gušić Edis, Brajković Mario, Pekmez Medina Amina, Pepić Feka, Sadiković Senad, Selimić Edo, Teparić Mirsad, Tukelija Adnan i Šljivo Anel.

Odsutni članovi Glavnog odbora Sindikata: Bešić Samir.

Za sjednicu je predložen sljedeći Dnevni red:

1. Kolektivno pregovaranje za Kanton Sarajevo
2. Aktivnosti oko održavanja Izvještajne Skupštine Sindikata radnika u zdravstvu u Kantonu Sarajevo
3. Razno

S obzirom da su neposredno pred početak sjednice dostavljeni akti o novim članovima Glavnog odbora Sindikata ispred tri osnovne sindikalne organizacije, i to: JU Opća bolnica „Prim. dr Abdulah Nakaš“, JU Psihijatrijska bolnica Kantona Sarajevo i JU Zavod za zdravstvenu zaštitu uposlenika MUP-a Kantona Sarajevo, predložena je dopuna dnevnog reda tačkama o razrješenju dosadašnjih i verifikaciji novih članova Glavnog odbora Sindikata iz navedenih sindikalnih organizacija. Također je definisano da se pod tačkom razno razmotri dopis Osnovne sindikalne organizacije Univerzitetski klinički centar Sarajevo broj: 1207-1547 od 27.12.2016. godine.

Predloženi dnevni red, uz navedene dopune jednoglasno je usvojen, tako da isti glasi:

1. Razrješenje članova Glavnog odbora iz Osnovne sindikalne organizacije JU Opća bolnica „Prim. dr Abdulah Nakaš“, i to Mačkić Denis i Vukotić Elma
2. Verifikacija članova Glavnog odbora iz Osnovne sindikalne organizacije JU Opća bolnica „Prim. dr Abdulah Nakaš“, i to Brajković Mario i Šljivo Anel
3. Razrješenje člana Glavnog odbora iz Osnovne sindikalne organizacije JU Psihijatrijska bolnica Kantona Sarajevo, Borovina Muamer
4. Verifikacija člana Glavnog odbora iz Osnovne sindikalne organizacije JU Psihijatrijska bolnica Kantona Sarajevo, Feta Zarif
5. Razrješenje člana Glavnog odbora iz Osnovne sindikalne organizacije JU Zavod za zdravstvenu zaštitu uposlenika MUP-a Kantona Sarajevo, Kužatko Vedran
6. Verifikacija člana Glavnog odbora iz Osnovne sindikalne organizacije JU Zavod za zdravstvenu zaštitu uposlenika MUP-a Kantona Sarajevo, Gušić Edis
7. Kolektivno pregovaranje za Kanton Sarajevo
8. Aktivnosti oko održavanja Izvještajne Skupštine Sindikata radnika u zdravstvu u Kantonu Sarajevo
9. Razno
 - a) Razmatranje dopisa Osnovne sindikalne organizacije Univerzitetski klinički centar Sarajevo broj: 1207-1547 od 27.12.2016. godine (produženje ugovora o radu Šehović Ervinu)

Ad.1.

Predsjednik Sindikata upoznao je prisutne sa dopisima OSO JU Opća bolnica „Prim. dr Abdulah Nakaš“ protokolisanim pod brojem: 17/17 i 18/17, oba od 05.01.2017. godine, tj. da su

predsjednik i zamjenik predsjednika OSO JU Opća bolnica „Prim. dr Abdulah Nakaš“ dali neopozive ostavke, te da je Predsjedništvo ove sindikalne organizacije odlučilo da su predstavnici OSO JU Opća bolnica „Prim. dr Abdulah Nakaš“ u Glavnom odboru Sindikata Brajković Mario, koji će obnašati funkciju v.d. predsjednika do Izborne skupštine ove sindikalne organizacije i Šljivo Anel. Imajući u vidu navedeno, kao i odredbe Statuta ovog sindikata, Glavni odbor Sindikata je jednoglasno donio Odluku o razrješenju Mačkić Denisa i Vukotić Elme funkcije člana Glavnog odbora Sindikata.

Ad.2.

Shodno aktima navedenim u tački Ad.1. ovog zapisnika, Glavni odbor Sindikata je jednoglasno donio Odluku o verifikaciji mandata i imenovanju Brajković Maria i Šljivo Anela za članove Glavnog odbora Sindikata.

Ad.3.

Predsjednik Sindikata upoznao je prisutne sa Odlukom OSO JU Psihijatrijska bolnica Kantona Sarajevo broj 08.3-3676/16 od 12.12.2016. godine kojom se razrješava dužnosti v.d. predsjednik ove sindikalne organizacije Borovina Muamer. Istom odlukom za predsjednika OSO JU Psihijatrijska bolnica Kantona Sarajevo se imenuje Feta Zarif. Imajući u vidu navedeno, kao i odredbe Statuta ovog sindikata, Glavni odbor Sindikata je jednoglasno donio Odluku o razrješenju Borovina Muamera funkcije člana Glavnog odbora Sindikata.

Ad.4.

Shodno aktima navedenim u tački Ad.3. ovog zapisnika, Glavni odbor Sindikata je jednoglasno donio Odluku o verifikaciji mandata i imenovanju Feta Zarifa za člana Glavnog odbora Sindikata.

Ad.5.

Predsjednik Sindikata upoznao je prisutne sa dopisom OSO JU Zavod za zdravstvenu zaštitu uposlenika MUP-a KS od 13.12.2016. godine u kojem stoji da Kužatko Vedran odstupa sa dužnosti predsjednika ove sindikalne organizacije krajem mjeseca decembra tekuće godine, te da će funkciju predsjednika OSO JU Zavod za zdravstvenu zaštitu uposlenika MUP-a KS, uz saglasnost svih članova ove sindikalne organizacije, od januara 2017. godine preuzeti Gušić Edis. Imajući u vidu navedeno, kao i odredbe Statuta ovog sindikata, Glavni odbor Sindikata je jednoglasno donio Odluku o razrješenju Kužatko Vedrana funkcije člana Glavnog odbora Sindikata.

Ad.6.

Shodno aktima navedenim u tački Ad.5. ovog zapisnika, Glavni odbor Sindikata je jednoglasno donio Odluku o verifikaciji mandata i imenovanju Gušić Edisa za člana Glavnog odbora Sindikata.

Ad.7.

Predsjednik Sindikata upoznao je prisutne da je resorna ministrica raspoložena za kolektivno pregovaranje ali se Vlada KS još nije izjasnila o Inicijativi za kolektivno pregovaranje za Kanton Sarajevo. Do održavanja Izvještajne Skupštine imaćemo informaciju da li je Vlada KS dala saglasnost resornom ministarstvu da otpočne pregovore ili ne, a od čega će zavisi i donošenje odluke o organizovanju i održavanju generalnog štrajka.

Ad.8.

Glavni odbor Sindikata je dao saglasnost, odnosno utvrdio je da se u Prijedlog Odluke o izmjenama i dopunama Statuta Sindikata unesu i izmjene da Skupštinom Sindikata rukovodi Radno predsjedništvo koga čine predsjednik Skupštine, dopredsjednik Skupštine i tri člana, da se

biraju na način da je za predsjednika skupštine izabran prvorangirani kandidat, za dopredsjednika skupštine drugorangirani kandidat, a tri člana radnog predsjedništva skupštine su preostala tri kandidata sa najviše glasova (član 18. i 19. Statuta); umjesto „skupština osnovnih sindikalnih organizacija“ da ide „osnovne sindikalne organizacije“ (član 10. Statuta); brisati komisije navedene u članu 54. stav 1. tačke 3., 4., 5. i 6. Statuta kao nepotrebne, kao i tačku 7. jer je i u nadležnosti Skupštine Sindikata izbor Komisije za izbore, te u tački 1. brisati riječi: „Zakona o radu“. Članovi Glavnog odbora Sindikata su upoznati da će na narednoj sjednici, koja će biti 12.01.2017. godine, imati pripremljen materijal za delegate Izvještajne Skupštine Sindikata, te da će im biti taj dan i uručen.

Ad.9.

- a) Predsjednik Sindikata upoznao je članove Glavnog odbora Sindikata sa dopisom Osnovne sindikalne organizacije Univerzitetski klinički centar Sarajevo broj: 1207-1547 od 27.12.2016. godine, a kojim se traži produženje ugovora o radu Šehović Ervinu na neodređeno vrijeme. Nakon okončane rasprave u kojoj su učestvovali Hrustemović Dženana, Pepić Feka, Pekmez Medina Amina, Koudeimati M. Bassam, Delihasanović Kemo, Bukvić Semra, Edo Selimić, Tukelija Adnan i Sadiković Senad donesen je

ZAKLJUČAK

Odbija se Molba za produženje ugovora o radu Šehović Ervinu koji obavlja administrativno – tehničke poslove za potrebe Osnovne sindikalne organizacije Univerzitetsko klinički centar Sarajevo. Predlaže se ovoj sindikalnoj organizaciji da, nakon prestanka ugovora o radu istekom vremena na koji je zaključen, razmotri mogućnost da sa imenovanim zaključi ugovor o djelu.

- b) Koudeimati M. Bassam je upoznao prisutne da je poslodavac JU Dom zdravlja KS formirao komisiju za izradu Pravilnika o radu i sistematizaciju radnih mjesta bez predstavnika Osnovne sindikalne organizacije JU Dom zdravlja KS, te da se tim povodom ova sindikalna organizacija obratila generalnom direktoru. Zbog toga traži da Glavni odbor Sindikata tim povodom uputi dopis generalnom direktoru JU Dom zdravlja KS. Nakon izlaganja Koudeimati M. Bassama, Glavni odbor Sindikata je donio

ZAKLJUČAK

Zadužuje se Koudeimati M. Bassam da dostavi hronologiju u vezi formiranja Komisije za izradu Pravilnika o radu i sistematizaciji radnih mjesta JU Dom zdravlja KS, kao i raspoloživu dokumentaciju s tim u vezi. Nakon dostave hronologije i dokumentacije, Glavni odbor Sindikata radnika u zdravstvu u Kantonu Sarajevo će se očitovati po istoj i eventualno uputiti dopis generalnom direktoru JU Dom zdravlja KS.

Sjednica je završena u 15,35 sati.

Napomena:

Sastavni dio ovog zapisnika je tonski snimak rada 10. Redovne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić